

serf. s. iehan euuigliste ka fist  
cest liure qui est appelleis apo  
calypse. ceu est a dire reuela  
tion por ceu que il conte ceu  
que deus demonstroit a. s.  
iehan. Et sans iehans a sain  
te eglise. ce fait a sauoir les  
tribulations quelle soffrit  
au comencement et soffre ecores  
et sofferrait iusques a la fin  
du monde. on tens antecrist.  
Quant les tribulations se  
ront si gns. que neis si estre  
pout li essut dame deu esme  
ut seront. et si demostreat a loz  
tens tous les gns biens que  
elle resoit en ceste uie. Et les  
gns gueredons quelle reseue  
rait en lautre. quant elle se  
rait iointe en gloire a son es  
pous ihu crist. Que si come  
li mal nos espante d'auisiter  
d'une part. d'autre part nos  
eleensent li bien de grace.  
et de gloire. don cest liures e  
tre les autres liures du no

uel testament est dis pfecte.  
Pour ce que. s. iehans uit en  
espirit. et non fait les secrets  
ihucrist a sainte eglise. qui  
en gnt partie sont a aimplir.  
et ores sont ampresant et enco  
res sont auentur. Mais pour  
ce que. s. iehans les uit en  
espirit. et sainte escripture deu  
se trois manieres de deuision.  
bien est a entendre comment il  
les uit en esprit. Car une ue  
ue est corporeis qnt nos ue  
ons aucune chose des eus cor  
poreis. Vne autre est espituel  
ou ymaginaire. qnt nos ue  
ons endormant ou en uellant  
sambulance d'aucune riens dot  
autres choses sont seneficees.  
Si come faraons li rois de gip  
te uit en dormant les egyptis.  
si com il escrit en genesi. Et  
moyses uit en uellant un  
lion ardent. et si n'ardoit  
mies. si com il est escrit e exo  
de. La tierce maniere deuision

